



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CLXXVII. Das Kloster Zehdenick verpfändet dem Kloster Spandow Hebungen aus dem Dorfe Lindenberg, am 6. Dezember 1515.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

vnd euch hieran gutwillig ertzeigen, wie wir vnns zu euch verfehen in gnaden zu erkennen. Datum Coln an der Sprew, am Montage nach Palmarum anno XV^e. XIII^o.

Vnfern lieben getrewen Burgemeistern
vnd Ratmannen vnser Stat Spandow.

Nach dem Originalo aus Fidiuin's Beitr. IV, 225.

CLXXVII. Das Kloster Zehdenick verpfändet dem Kloster Spandow Gebungen aus dem Dorfe Lindenbergh, am 6. Dezember 1515.

Wir Anna Ikendorffs Eptifin, Barbara Eckendorff prioriffin, Mathias Ebel probst vnd gantze versammlung des Jungfrawn Closters zw Zcedenick, Bekennen vnd thun kunth öffentlich mit diesem Briue vor vns, vnser nachkommen vnd sunst allermenniglich, die In sehen, horen oder lesen, das wir mit wolbedachtem muth, gutem wissen vnd Reiffem rath, auch vff vorwilligen vnd nachgeben des durchlauchtigsten hochgeborn fursten vnd hern, hern Joachims Marggrauen zu Brandenburg, des heiligen Remischen Reichs Ertzcammerer vnd churfursten, zu Stetin, Pommern, der cassuben vnd wenden hertzogen, Burggrafen zu Nuremberg vnd fursten zw Rügen, vnfers gnedigsten hern vnd landesfursten, vnd des hochwerdigen In got vaters vnd heren, herrn Jeronimuffen, Bischofs zw Brandenburg, vnfers gnedigen heren vnd geistlichen prelaten, recht vnd Redelichen auff vnser bestendigen rechten widderkauff, als widderkaufs weise vnd gewonheit ist, verkauft haben vnd verkauffen gegenwertiglich In craft vnd macht dis Briues den würdigen vnd andechtigen Ern Andresen Hoppenrade probst, Katherinen Barfft domina, Barbaran Schapelowen prioriffa vnd gantzer versamlung des Jungfrawen closters zw Spandow vnd allen Iren nachkommen Jerlicher Zins fünf Zehen gulden an Müntz vnd landeswerung In vnserm dorff zw lyndenbergh*), als nemlich auff Dames Wilkens hoff VII¹/₂ schock, auff Dames Schmes hoff ein schock, vff Jasper Hermens hoff ein schock, auff andres wegengers hoff ein schock, auff Turban Stromans hoff ein schock, auff Benedictus wegengers hoff ein schock, auff andres Rumplers hoff ein schock vnd vff Jacob dannewalts hoff ein schock, das alles in einer Summa fünfzehen gulden macht, die die genant probst vnd versamlung des Jungfrawenclosters zw Spandow alle Jar jerlich Daselbst zu lindenbergh*) bey den gemelten pawern auff sanct Nicolaus tag des heiligen Bischoffs vnuerhindert geistlichs oder werntlichs gerichts, hern gebot vnd verbot, auch sunst ane meinlichs Irrung oder eintrag, einzukommen haben vnd besitzen: vnd die gemelten pawern, die itzt dar sein oder künftig dahin kommen werden. Sollen Inen solich fünfzehen gulden Zins zu der Zins Zeit Jerlich vf Nicolai gen Spando In das closter bringen vnd nhu vff Nicolai schirft, so man schreibet Nach der geburt christi der mindern Zal Im Sechs Zehenden Jare, damit anfaben vnd also für vnd für, dieweil disser widderkauff stehet. Wor vnd zu welcher Zeit auch die gedachten einwohner zu lindenbergh an ausgebung der Zins Zu einem oder mehrmalen sewmig vnd nicht geben vnd verreichen würden, so geben wir dem Probst vnd gantzer versamlung zu spando vnd Iren nachkommen die gantze vnd vollkomene macht vnd gewalt, das

*) So ungleich ist der Name geschrieben.

se dieselben alle vnd yde Befunder, so also fewmig domit sein, mit geistlichem oder werntlichem rechten furnhemen oder darvmb zu yder Zins Zeit pfanden mogen, als hetten sie das mit allem rechte erfolget vnd erstanden, Auch so ofte vnd vil, bis sie aller bedagter verlessener Zins vergnügt vnd bezalt sein. Für solich funfzehen gulden Jerlich Zins haben vns die gedachten Probst, domina, priorissa vnd gantze samelung des Jungfrawen closters zu Spandow gütlich vnd zu danck ausgericht vnd bezalt dreihundert gulden reinisch an Merkficher münz vnd landeswerung herkommend von Hanfen Mollers wegen, die er vnserem gnedigsten herrn schuldig vnd pflichtig ist vnd vns in dem dorf wendischen Wüst auf sein gütern forder verforget sein von seinen churfürstlichen gnaden, die wir von In empfangen, ferner in vnsern vnd vnser closters nütz vnd fromen gekert vnd gewant haben vnd sagen sie der hiemit qwytt, ledig vnd los In craft dits Briues, Sollen vnd wollen hirauff Inen vnd Iren nachkomen dis widderkaufs ein Recht gewehr sein, wie sich von gewonheit oder rechts wegen des Zuthun geburt vnd eigent. Begeb sich auch, das got gnediglich abekert, das die houe zu lindenbergh, dorin die genanten Zins lewte igt zur Zeit wohnen oder künftig wonen würden, durch Brant, krigleufft oder ander Zufelle verwüflet vnd also an ausgebung der Jerlichen Zins verhindert würden, So geben wir dem vilgenanten probst, domina, priorissa vnd gantzer samlung zu Spandow auch die volkomene macht, das sie die hufen derselben hoff obgenant selbs betreiben vnd erpawen lassen mügen vnd dan souil daruon nhemen vnd heben, bis sie Irer nachstenden Zins aller vergnügt sein vnd also vortan bis zur ablöfung. Ob auch Inen an diser vnser verschreibung einich verferung oder schaden, er were an schriefft, Sigel oder pergamment geschee, wie das zu qweme, das sol Inen vnd Iren nachkomen genzlich an diesem wedderkauff on geser oder nachteill sein. Wir behalten vns aber hiran zw yder Zeit vor die ablöfung des widderkaufs, also wan wir oder vnser nachkommen solich ablöfung thun wollen, das sollen wir den benanten probst, domina, priorissa vnd gantzer sammelung zu Spandow oder Iren nachkommen ein halb Jar zuuor verkündigen vnd dan nach ausgang des halben Jars vf des heyligen santt Nicolaus tag darnach Inen oder Iren nachkommen soliche drey hundert gulden hewptsumma mit allen vorfellen Zinsen, ob dan ye darnach etliche hinderstellig weren, zu Berlin oder Spandow an guter ganghaftiger Brandenburgisch münz bezalen vnd vergnügen. Wan das gescheen ist, dan vnd nicht ehr sollen sie vns disen widderkauff vnd Jerlich Zins abetretten vnd solich vnser verschreibung widdergeben getrewlich vnd vngewerlich. Zw wahrer vrkunth vnd merer Sicherheit haben wir vnser conuents Insigel an diesen Brieff gehangen, der gegeben ist zu Zedenick, am tage Nicolai Episcopi, nach cristi geburt funfzehenhundert vnd Im funfzehenden Jare.

Nach dem Original des Geh. Staats-Archives.

CLXXVIII. Der Probst des Klosters Spandow bittet den Rath der Altstadt Brandenburg in Betreff eines Weinberges um Schutz, am 10. September 1516.

Myne frunthwilge dyensibe thouorn. Ersamenn vnd wysenn gunstigen lyuen herren vnd frunde. Jw ist vngetwyuelt wol in frysch gedencken, yn welcher wyfse vnd gestalt gy twyschenn my vnd Michel kruger des wynberges halben gehandelth, als denne klerlich yn jwen bwke registrireth vnd vorteykent ifs, dath he mith den wynberghe nicht scholde tho dwnde heb-